

## SA GHAIRDÍN



- A. Abairtí úsáideacha i ngnáthchaint na scoile a chleachtadh, m.sh. Téigh go dtí an siopa, a Nóra.

**Rachaidh mé.**

Céard a rinne tú?

**Chuaigh mé go dtí an siopa.**

Ceannaigh milseáin, a Eoin.

**Ceannóidh mé.**

Céard a rinne tú?

**Cheannaigh mé milseáin.**

- B. Cloisteáil, Aithint, Aithris

**Bunchomhrá**

Tá Mamaí agus Daidí sa ghairdín. Tá na páistí sa ghairdín freisin. Tá siad ag cuidiú le Mamaí agus Daidí.

## Agallamh

*Daidí:* Faigh canna uisce, a Choilm.

*Colm:* Tá sé agam anois.

*Mamaí:* Cuir an t-uisce ar na bláthanna.

*Nuala:* Céard a dhéanfaidh mise, a Mhamaí?

*Mamaí:* Píoc cúpla bláth dom.

## C. Cleachtadh

Cé atá sa ghairdín?

Céard atá siad a dhéanamh?

Céard atá ag Colm?

Céard atá Colm/Nuala a dhéanamh?

**Cleachtadh a thabhairt do na páistí ar chuid de mhúnlaí an Bhunchomhrá,**

m.sh. Tá Mamaí sa ghairdín/sa teach/sa chistin, etc.

Tá canna uisce ag Colm/agam/agat/aige/aici.

## D. Leathnú

**Amhrán (An ceol ar théip)**

Curfá:

Ag obair, ag obair, ag obair le Daidí,

Ag obair, ag obair amuigh sa ghairdín.

## I

Tá Daidí ag obair, ag obair sa ghairdín,

Tá Colm ag cuidiú, ag cuidiú sa ghairdín.

Curfá:

## II

Tá Mamaí ag obair, ag obair sa ghairdín,

Tá Colm ag cuidiú, ag cuidiú sa ghairdín.

Curfá: